

PIITA **gbouŋ nba pukin ŋanlee** **ki u din sɔb nae na**

Ki jīn 2 Piita gbouŋ na po

Piita gbouŋ nba pukin ŋanlee na din saa sinsinn Masiaweira na bonchiann boore. Li barjar tee lin nyann faak tumiiu nan bonchonchonsin nba nyii tumiiboarik maŋ ni nae.

¹ Min Simonn Piita nba tee Yiisa Masia daabir nan u toonii nae sɔbin gbouŋ na ki teen binba teen Yiisa Masia nba tee ti Tinntoo nan Yennu yada u burchint paak, nan taa mun teen yada bianjinba na. ² Yaa bann Yennu nan ti Yomdaano Yiisa na, ninbatinu nan parmaasir n ŋamm pukin i paak.

Ki jīn Yennu niib binbeŋ po

³ Yennu paŋ yab bonchiann; ki u teent linba kur tee manfoor nan yentinu yar, kimaan taa miu na paak; ŋooe din yiinit u yentsaakar nan binbenŋaŋ ni. ⁴ Li paak, ki u senn moŋsonjaana nba ŋan bonchiann ki turit a tin nyi kuun nba be tingbouŋ na ni loonbiit paak na, ŋaan gaar u binbeŋ. ⁵ Linba na paak, ii yabir i moŋ ki pukin binbenŋaŋ i yada paak man; ki bia pukin Yennu bannu i binbenŋaŋ maŋ paak; ⁶ ki bia pukin moŋdianu i bannu maŋ paak; ki bia pukin gbankur i moŋdianu maŋ paak; ki bia pukin yentinu i gbankur maŋ paak; ⁷ ki bia pukin naataann i yentinu maŋ paak; ki bia pukin lomm

i naataann man paak. ⁸ I binben-i be nnaie, li saa te ki i namii bant ti Yomdaano Yiisa Masia yoo kur, kii mok nyoot bonchiann ki turo. ⁹ Naan niro nba ki mok binbenbooru manji, li yoo joone, ki ponj tamm nan Yiisa din nyinn u toonbiit sianyoowa.

¹⁰ N naa waas, Yennu-e yiini ki ganni, li paak, ii namm yabir i monj paak man, ki te ki lin set wann nan i tee u niibe. Li-i tee ki i tuun linba na, i yada kan mi baa; ¹¹ ki Yennu saa te ki yin tan koo ti Yomdaano Yiisa Masia nba tee ti Tinntoo na naan ni; u naan manje yoo be ki ki mok gbennu.

¹² Li paak, n sii yoo tiani labaar nae yoo kur; n lek mi nan i ponj gbatira, ki mir fanu, ki diar chimm; ¹³ naan n dakin nan li nan ki n namm tiari, ki fin i dudukit, maa daa be n manfoor ni na. ¹⁴ N mi nan li kan yukiri ki n saa nyi n gbanant ni, nan ti Yomdaano Yiisa Masia nba din betin na. ¹⁵ Li paake ki n yabir n monj ki sob gbouj na, a lii tiani labaar na po yoo kur, n kuun poorpo.

*Yennu nba donn Masia bianjinba
(Mak 9.7)*

¹⁶ Taa ponj din beti nan ti Yomdaano Yiisa Masia tee panj daano, ki bia tan saa jen na, labaar man ki tee faak kaa, li tee barmoniie. Ti ninbinae din la waa mok panj bianjinba. ¹⁷ Ki ti din be nana yoo nba ki ti Baa Yennu turo baakir yentsaakar ni. Li yoo manje ki kunkor nyii ti Yabint Yennu nba tee yentsaakar daano na boor ki yet a, "N Bilonkake na, hooe ki n numm gboou." ¹⁸ Ti monj monj tubae din gbat kunkor

maŋ ki li nyii Yendouŋ ni na. Li yooe ki ti din be nano, kasii jojaann na paak.

¹⁹ Nanne mantik kat wannit nan Yennu sokiniinba nba din pak Yiisa labaar nba na tee barmoniie. Li ŋan ki yin gbiint baa din yet linba na fanu. Bi mabona maŋ tee nan fitir nba teen yentu bunbonn ni bianinba nae, mokmok nan yoo nba ki Yiisa tan saa jen; ŋanne saa te ki i numm n yent fanu. ²⁰ Naan linba gar li kur tee nnae; ii tian man nan Yennu sokiniinba nba din sob Yennu gbouŋ ni barrii nba na ki tee bi tiouŋ momaan kaa, ²¹ kimaan Yennu sokiniinba soɔ din ki mi dakin u moŋ loomm ni ki paki, ŋaan Yennu Seyeenge din wantib bianinba ki bi saa pak labaar nba nyii ŋoo Yennu boor na.

2

Ki jiin faak wanteeb po

¹ Faak sokiniinba nba din be Juu teeb sinsuuk ni sianyoo bianinba na, nnae ki faak wanteeb mun bia sii be i sinsuuk ni, ki wanti faak wannu woonin ni, linba saa biiri. Bi saa yet ti Yomdaano Yiisa, wunba din daab na gbaa; ki Yennu saa dat bi tuba yama. ² Niib bonchiann saa weib ki mun tun bi moŋ loonbiit. Bi paak ki niib saa fiak barmonii sonu na. ³ Bi sii mok nianchiouŋ, ki sii kpanni ki nmabi. Yoo nba din gar na Yennu poŋ din yet a bi tee biitdamme, ŋaan li kan yukir ki u saa dat bi tuba.

⁴ Malakanba nba din tun toonbiit na, Yennu din ki nyik bi tubdatu. U din jii jarite lorib, ki lub muu nba kan mi kpeen na ni; muu maŋ be bootuk nba sumii ki bia bon bonchiann nie; bi

sii be leje mōkmōk nan daar nba ki u tan saa bu bi buut. ⁵ Nnae biak, u din ki nyik yaayoo ni tingboun niib na. U din te ki nyume dii tingboun man, ki kp̄ii binba kur ki tiinō na, ŋaan tinn Nowa, wunba din mōontir Yenweiu po, ki tinn u ŋaateeb banlore ki pukin. ⁶ Njoo Yennu bia din biir doi nba tee Sodom nan Gomora na, ki te ki li dii muu ki kpant tanpent, ki doi man ni niib kura kpo. Linba nae tee nyinn, ki want biitdamm waa tan saa dat bi tuba bianjinba. ⁷ U bia din tinn Lot, wunba din tee nijanō na. Biitdamm nba din tuun bi gbanant loonbiit bianjinba na, li din biir njoo Lot par bonchiann. ⁸ Lot, janano man, din be, ki laat bi toonbiit, ki gbia baa piak mōbonbiit bianjinba. Baa din tuun toonbiit yoo kur bianjinba na, li din biir u par bonchiann, kimaan u din tee nijanoe. ⁹ Ti Yomdaano Yennu mi bianjinba ki u saa fat niib nba tiinō, ki nyinnib mukisuk ni, ŋaan dat biitdamm tuba mōkmōk nan daar nba ki u tan saa bu bi buut. ¹⁰ Niib nba waa bi gbanant loonbiit ki chomm, ki sian yudamm, Yennu tan saa dat li damm tuba ki gar waa tan saa dat nileeb tuba bianjinbawa.

Faak wannteeb nba be i sinsuuk ni na tee tubkangbatae, bi ki tiin soo. Bi sukii malakanbae ki ki mōk janmaanii. ¹¹ Malakanba mōk pan nan yiikoo ki gar faak wannteeb manja, ŋaan bi ki yeen biit ki sukiib, Yennu boori. ¹² Li nibooru ki mi malakanba nba be bianjinba, ŋaan sukiib. Niib man ki mōk dudukiti; bi tuun linba ki bi loone, ki naan muuk ni bonkobibiit nba ki niib tuu nyannib ki kpi na. Bi mōŋ toonbiite saa mantik biirib; ¹³ bi toonbiit nyoot sii tee

biirue. Bi tuun bi gbanant loonbiit yeenin nie. Bi-i be i ni yoo nba, bi tee nan jakint nba tuu taab chinchenn paak bianjinba nae. Bi-i di jeet nani yoo nba, ñaan bi lek dukii bi toonbiit na poe. ¹⁴ Bi-i la poo, bi ki nyikit u bandakiri, ki bia kan nyik bi biiti. Bi kpann niib nba ki mi Yennu sonu fanu nae ki boontib. Bi para ni, bi tumii nianchionjo, ki te ki Yennu motomm be bi paak. ¹⁵ Bi ki saak ki waa sonu nba tooki, ñaan tokii songanu; bi waa Beor bija Balam nba din waa sonu nba nae. U par din mei toonbiit nyoot paake, ¹⁶ ki Yennu kpaano u toonbiit man paak, ki u bonj pak nana nan nisaarik kunkor, ki kpaano a wun nyik u waatuk toona man.

¹⁷ Niib man booru tee nan bunbunn nba kaa nyun nae; bi tee nan sayun nba ki woun tuu gaano nae. Yennu tan saa jiiib ki lub bunbonchion ni, mokmok nan mokmok. ¹⁸ Bi piak karinbaanbarii nba ki mok nyoot, a bin kpann niib nba yiab bi mon a bin nyi biitdamm ni na, ki kpannib a bii tuun gbanant loonbiit nan bonchonchonsin, ¹⁹ ki beerib a bi tan saa la fat-n-mon, ñaan ki bi mon tee biit daaba, kimaan bonsiar nba nyann niro, li bont tuu te niro man be daabisin nie. ²⁰ Niib nba din mi ti Yomdaano Yiisa Masia, wunba tee ti Tinntoo, ki pon din nyik biit nba be tingboun na ni na, li biit-i tanj jen ki nyannib, bi joontu sii bi ki gar bi pinpiik nba din tee bianjinbawa. ²¹ Bi-i bonni kii mi popeenn binben, li bo sii so nan baa bannir ñaan ji ki sak barnanii nba ki bi din gbat na. ²² Bi tuun ki gbeent barjokit nba yet bianjinba nae a “Boke tuu ñmat ki di u mon siit,” ki “Doorik-i wur nyun,

ḡaan u tuu ḡmat ki ḡbar u mōḡ bakire.”

3

Ti Yomdaano Yiisa jenu mōsonn

¹ N naa walonkai, maa sobin gboun nba ki teeni na ji pukii gbant ḡanlee-e na. Li gbant ḡanlee kur ni, n poḡ tiari bona na powa, maa n fiin i dudukḡant. ² N loon ki ii tian mōmaan nba ki Yennu sokiniinba din pak li po yaayoo ni na, kii biaki tian sennii nba ki ti Yomdaano, wunba tee ti Tinntoo din pak na, ki timm nba tee u toomiinba beti na. ³ Sinsinn, n loon ki ii tian nan nisiab nba waa bi para loonbiit tan sii be dajoontii ni, ki sarikiti, ⁴ ki yeen a, “Yiisa Masia nba din senn mōsonn a u tan saa jen na, ḡoo lia-a? Ti baanba nba kpowa nan dinna, bonsiar kur kpan tee nan laa poḡ din tee bianḡinba durinya pinpiik ni nae.” ⁵ Li nibooru ki saak bin tiar nan Yennu din yet mōmaame ki nan sanpaak nan tinḡ yaayoo ni, ki nyinn tinḡ na nyun ni, ki te ki li be nyun na sinsuuk ni, ⁶ ki bia tan te ki nyun dii tingboun maḡ ki li biiri. ⁷ Naan ḡoo Yennu mōmaame bia lek sii dia sanpaak nan tinḡ nba be motana na mōkmōk nan yoo nba ki u tan saa te ki li kura n di muu, ki biir biitdamm, kimaan li daar u tan saa bu bi buut ki biiriba.

⁸ N naa walonkai, i daa tammit barrii na po: Yennu boor ḡarin, dayennkoo tee nan bintusir nae; ki bintusir mun tee nan dayennkoo na. ⁹ Nisiab dukii a li yukir nan Yennu n tun mōsonn nba ki u din senn nawa, ḡaan li ki tee nna; u mōk sukurue nani; u ki loon soo n tan koo muu ni, u loon ki soo kur n nyik u biite ki tinn.

¹⁰ Ti Yomdaano daar man baaru tan sii tee nan nanyuko baaru nae. Li daar man, sanpaapo saa gbenn nan fujaann; ki muu nba di bonchiann tan saa di sanpaapo bonsiar kur, ki tingboun na nan bonsiar kur nba be leŋ tan saa di muue ki boont. ¹¹ Ki bont na kur nba tan saa di muu nna na, i dakin li ŋan ki yii tee niiboорbee mani? Li ŋan ki yii mok binben-yeen, kii tiin Yennu, ¹² kii guu Yennu daar man, ki yabir i mon paak ki daar man n baar yian. Li daare ki sanpaapo tan saa kab ki biir, ki muu na tonu saa nann sanpaapo bonnankara. ¹³ Naan ti guu yoo nba ki sanpaapo paann nan tingbounpaann tan sii be nan Yennu nba din senn monn nba nae, ki popeenn toona kuukoo sii be leŋ.

¹⁴ N naa walonkai, yaa guu bona man na paak, ii yabir i mon kii mok parmaasir, nan binben-yeen, ki daa mok biit Yennu boori. ¹⁵ Ti Yomdaano nba di sukuru ki daa ki jen na, u loon ki yin bann nan u teen niibe yaak a bin tinna ki wun jen. Ti naa bilonkak Pool mun daan sob gbounsiok ki turi ki beti linba nawa, nan Yennu nba turo yan ki u be bianjinba na. ¹⁶ U gbant kur ni, u din sobin ki piak Yennu daar man poe, ki wanti li labaar. Labasia be u gbant na ni ki paar nan niro n bann li paak, ki nisiab nba ki mok yan, ki bia ki mok baa see sian na, jikitir ki kpintir faake, nan baa tuu kpintir Yennu gboun man paak, bolia ni bianjinba na. Linba na paake ki Yennu tan saa dat bi tuba.

¹⁷ N naa walonkai, i pon mi baa tee bianjinba. Yimm nba waa barmonii na, ii bann i yan ni, ki daa waa biitdamm faak sonii na, naan yabir ki

daa baa. ¹⁸ Ii ɲamm gaar ti Yomdaano Yiisa Masia nba tee ti Tinntoo na lomm nan ninkpabaun, kii tumii u mɔmaan na ki pukin. Nɔɔe yen dontir mɔkmɔk nan mɔkmɔk. Mamɔmm.

Yennu Gbouŋ Mɔɔr
Bimoba: Yennu Gbouŋ Mɔɔr Bible

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

00d89ba0-4677-52d9-9bc5-aa3d7c5c966d